



Uunga:

Sara Olsvig, Inuit Ataqatigiit
Inatsisartunut ilaasortaq

§ 37 naapertorlugu apeqquteqaat nr. 223 –mut akissut

Inatsisartut Suleriaasianni § 37 naapertorlugu apeqquteqaatit, Inatsisartunut ilaasortamit Sara Olsvig-imit saqqummiunneqartut, Naalakkersuisut ulloq 28. august 2015 tiguaat.

Akissuteqaatit apeqqutit kingornanni takuneqarsinnaapput.

1. Ulloq suna Naalakkersuisut siulittaasuannut Kim Kielsenimut Nunanullu allanut Naalakkersuisumut Vittus Qujaukitsumut eqqartuussissuserisumit nalunaarusiaq nassiunneqarpa?

Akissut:

Eqqartuussissuserisumit nalunaarusiaq ulloq 7. juli 2015 tiguneqarpoq

2. Naalakkersuisut Inatsisartunit nalunaarutip pinissaa pillugu saaffigineqarpat? Saaffigineqarsimappata tamanna qanga piva?

Akissut:

Aap, Naalakkersuisut Kukkunersiunermit Ataatsimiititaliamiit ulloq 26. Juni 2015 saaffiginnissut tiguaat aammattaaq Nunanut Allanut Sillimaniarnermullu Ataatsimiititaliamit saaffiginnissut ulloq 13. juli 2015 tiguneqarpoq.

3. Sooq Naalakkersuisunit Inatsisartunut nassiussiniarneq taama sivitsortigiva?

Akissut:

Kunngikkormiut Kalaallit Nunaannut tikeraarnissaat sioqqutitsiarlugu aasaq nassuiaat tiguneqarpoq. Naalakkersuisut Siulittaasuata aamma Nunanut Allanut Naalakkersuisoq Vittus Qujaukitsoq tamatuma kingorna nassuiaatip 200-inik qupperneqartup atuarnissaanut periarfissaqartussaasimapput. Tamatuma kingorna eqqartuussissuserisup nassuiaataa suleqataasutut akuusut akornanni tusarniaassutigineqassasoq aalajangertoqarpoq. Tusarniaanermut akissuteqaatit nalilersorneqartussaapput, aammalu nassuiaatip tamanut saqqummiunneqarnerani inatsisitigut isumaliutersuuteqarnerit taamatuttaaq piffissamik atuiffiusussaapput. Taamaalilluni aamma, nassuiaatip tamanut ammasumik saqqummiunneqarnissaa sioqqullugu, nunanut allanut sillimaniarnermullu tunngatillugu isumaliutersuuteqarfigineqarnera pisussaavoq. Taamaalilluni nutserneqarluni suliarineqarnera suli naammassineqanngilaq. Tamatuma kingorna nassuiaatip, ilaatigut pisariusunik inatsisilerinikkut oqaatsinik atuiffiusup, sukumiisorujussuusup takisoorujussuusullu pitsaassusaata qulakkeerniarneqarnera aamma piffissamik atuiffiusussaavoq.

11-09-2015
Sags nr. 2015-117005
Dok. nr. 2037200

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

I

4. Naalakkersuisut nalunaarusiaq Naalakkersuisut Nunanut Allanut Sillimaniarnermullu Ataatsimiititalianut nassiuutissamaarpaat?

Akissut:

Naalakkersuisut nalunaarusiaq Nunanut Allanut Sillimaniarnermullu Ataatsimiititaliamut saqqummiutissamaarpaat.

5. Naalakkersuisut nalunaarusiap ilaa nalunaarusiarluunniit tamaat avammut saqqummiutissamaarpaat

Akissut:

Eqqartuussissuserisup nalunaarusiaa sapinngisamik annertunerpaat tamanut saqqummiunneqarnissaat Naalakkersuisut siunertaraat, kisianni inatsisitigut nalilersuinerit suli naammassineqanngillat, taamaattumillu maannakkorpiaq taakkua tunuarsimaarfigineqartariaqarallarpur.

6. Naalakkersuisut nalunaarusiap inernerisaanut pillugu qanoq eqqarsaatersuuteqarpat isumaqarpallu?

Akissut:

Nalunaarusiaq piviusunik pilersitsiviussappat Naalakkersuisut Nunanut Allanut Sillimaniarnermullu Ataatsimiititaliaq tamanna pillugu naleqquttoq naapertorlugu ilisimatitsissappur.

7. Eqqartuussissuserisumut misissuutitsineq tamakkiisumik qanoq akeqarsimava?

Akissut:

Nalunaarusiap naammassineqarnissaanut aningaasartuutit 1.333.368,00 kruuniupput.

Angalanernut akunnittarfinnullu aningaasartuutit 41.331,00 kruuniupput

Eqqartuussissuserisut suliaannut peqataasunut aningaasartuutit 320.100,00 kruuniupput.

Aningaasartuutit tamaasa katillugit 1.694.799,00 kruuniullutik.

Inussiarnersumik inuulluaqqusillunga



Kim Kielsen